

發刊詞

鐵路事業之功用一方在增進交通之利便一方在調劑供求之平衡我國幅員廣大物產富饒而已成鐵路僅及一萬公里加以災變紛乘地方多故舉凡各路沿線出產貨物及其運銷狀況皆無精確之調查與縝密之統計生產消費兩方不能利用鐵路以謀調節遂致貨不暢流地難盡利內則農村破產外則洋貨傾銷國困民窮公私交敝鐵路運輸業務亦飽受其影響鐵道部有鑑於此乃舉辦全國鐵路沿線出產貨品展覽會採用巡迴展覽方法第一二屆已於滬京開會今第三屆復在平舉行本路奉命參加自維沿線所經多屬內地農產之區工商各業均極幼稚出品成績自未可與平津滬漢各路同日而語第念開發西北交通爲本路重大使命現東段海港建築即屆完成西段潼西路工亦將告竣此後全路西起長安東達海濱延亘二千餘里其間天產地利有待於國人提倡開發

者指不勝屈故就徵集所得陳列展覽並將主要物產畧述概況以爲之介紹他若闡場文化亦與鐵路具有深切關係本路沿線爲歷代文明發源之地風景古蹟甲於國內特於本刊附撮大要俾供參證儻亦國人所樂予贊許者歟

第三屆鐵展本館籌備之經過

第三屆鐵展於茲開幕矣。屈指鐵展舉行雖已第三期，而鐵展之有各專館，則甫爲第二次。回溯本館籌備以來，經過情形每每發生意外之窒礙，而難達初衷。結果誠知不足以壓觀衆之研求與探討，特以內地風氣之閉塞，農村則瀕於破產，工業則瞠乎人後，林礦畜牧舉以聽其自然之消長，地未盡利，貨未暢流。凡此不有真實之表現，烏能促起國人之奮興？此則同人等所引爲職志而共相策勉者也。本館籌備所經有可得而述者：

一，籌備之期間 在本年二月奉到大部命令開始籌備第三屆鐵展，爲時僅三閱月，期限不爲不促，事務不爲不繁。以有限之期間，集繁重之事務，其泥濘見肘之情，蓋可知矣。

二，人員之組織 歷年以來，本路路綫漸次延長，而人員並未增多，各有固定職務，絕少投置閒散者。流是故本館奉派從事籌備人員僅十數人，概係兼仕性質。舉凡規畫設計、監督製作、購置裝璜、搜集編輯、運送文書會計以及一應庶務無弗一人身兼數事，並顯兼籌。斯夕靡遑，雖收共同合作之功，却少從容準備之效。至於調查範圍之遼闊，徵集種類之複雜，不徒煩不勝煩，抑且鞭長莫及，不得已惟有寄托

於沿路車機工警各段站然段站長俱各有專責片刻不能遠離其職守分身乏術孤掌難鳴得寸則寸得尺則尺掛一漏萬不言而喻加以同人等服務路界雖歷有年對於陳列展覽則愧乏常識顛倒失次答胡可辭」

三，設備之更新 當第二屆鐵展時以首都地方雖大但合於全部鐵展之需者則尙不多觀本路籌慮及此特預爲之備自建木屋一所歷三閱月而成該屋外表爲立體形極宏偉壯麗內部裝置適合陳列全部房屋並可自由裝拆迨至大部選定首都青年會爲會址果以房屋狹小不敷支配本館以早有準備之故乃能適如所期及本屆在平舉行假定太廟爲會址本館以開會時期氣候漸熱木屋受日熏灼有礙觀衆衛生遂決舍木屋而就莊嚴巍峨之殿宇自內部皮架之設備亦悉改從前舊觀陳列方位必求合乎視綫無俯仰之勞經行路綫格外放寬無擁擠之苦光綫設備不賴自力展品優劣必充實表現至於鐵路模型本不在貨品展覽範圍僅以舊有之品填補空隙聊資點綴而已無煩注其全力也

四，展品之調查與征集 吾國凡百事業向不注重統計數字以內地爲尤甚加以鐵道沿綫其區域範圍如何無標準之確定於此狀況之下欲求得一詳確數字實非少數人於最短時間咄嗟所辨到缺漏之處何待煩言至徵集展品沿綫官廳團體儘力協助者固自不尠而未能了解展覽意義漠然置之

者亦所在多有以較風氣開通之各大都會登高一呼羣相響應者其難易誠不可以道里計本館征集之展品農林礦皮毛等及工業原料爲多此亦足以表現本路沿綫實際狀況况其工業品本屬有限更須加以嚴格選擇竊缺毋濫以防虛僞之摻雜其奢侈品等亦多割愛期合乎新生活之旨此則撫心稍堪自慰爰舉以告國人者也

上述本館籌備經過僅紀其顛末如此凡諸缺憾當以俟諸方來所冀參觀諸公不吝指教有以啓迪豈惟同人之幸而已哉